

Gvangjsih Minzcuz Bau

Cawjguenj: Gvangsiah Bouxcuengh Swcigh Minzcuz Cunghgyau Swvu Veijyenzvei

Cawjbanh: Gvangsiah Minzcuz Bause

Geiz neix 8 banj

广西民族报

Aenhauhokbanj: CN45-0036

B.2022

Nd.6 Ng.22

Liggaeuq nvaemzvinz nienz ndwenngux ngeihseiq

Geizsoq: Gungh daih 3529 geiz

Aen Hoih Sibinz Doxgyau Gingniemh Hong Cauhlaeb Minzcuz Doxgiet Cinbu Daengx Guek Youq Baekging Hai

全国民族团结进步创建工作经验交流视频会议在京召开

6 nyied 16 hauh, Aen Hoih Sibinz Doxgyau Gingniemh Hong Cauhlaeb Minzcuz Doxgiet Cinbu Daengx Guek youq Baekging hai. Boux fubucangj Cunghyangh Dungj-canbu faenguenj hong ngoenznaengz, boux cujyin, dangjcu j suhgi Guekgya Minzvej Cinz Siujgyangh camgya aen hoih caemhcaiq gangjavah. Aen hoih daezok, haeujlaeg gvancez doeksaed gij swhsiengj youqgaenj mizgven gyagiengz caeuq gaijndei hong minzcuz Siz Ginbingz cungjsuhgi caeuq gij cingsaenz Aen Hoih Hong Minzcuz Cunghyangh, yungh cukmaenh gij eiqsik caezcaemh Cunghvaz Minzcuz guh sienqmeh, laebdaeb gyalag hong cauhlaeb minzcuz

doxgiet cinbu, doidoengh hong minzcuz dangj seizdaih moq hwngfat youh ndei youh vaiq, yungh hengz-doengh saedsaeh ciepcoux Ngeihcib Daih Dangj hai ndaej baenz.

Aen hoih naeuz, Cibbet Daih Dangj doxdaeuj, Dangjicunghyangh aeu Siz Ginbingz dungzci guh vaedsim haenx laebdin aen gizmen bienqvaq hung bak bi caengz miz gvaq caeuq daengxbuenz canloz Cunghvaz Minzcuz fukhwng hungmbwk, doiq hong minzcuz dangj seizdaih moq guh'ok baenzroix gezcwz baijbouh hungnaek, doidoengh hong minzcuz aeundaiej cingzci doenghbaez caengz miz, miz gaijbienq doenghbaez caengz raen. Yungh cukmaenh gij eiqsik caez-

caemh Cunghvaz Minzcuz guh sienqmeh, laebdaeb gyalag hong cauhlaeb minzcuz doxgiet cinbu, haenqrengz dajcauh banj swnggaep hong cauhlaeb, dwg gij guhfap youqgaenj doidoengh hong minzcuz dangj seizdaih moq hwngfat youh ndei youh vaiq, cukmaenh gij eiqsik caezcaemh Cunghvaz Minzcuz, cauh-fuk vunz lai gak minzcuz engqgya ndei, aeu daj gizsang cwngci caeuq daengxbuenz ca ndaet ca saed.

Aen hoih giengzdih, laebdaeb gyalag hong cauhlaeb minzcuz doxgiet cinbu, aeu haenqrengz gyalag neihanz, dawz cukmaenh gij eiqsik caezcaemh Cunghvaz Minzcuz dang-guh gij ciuqei gaenbonj, yinvu

vaedsim, biucinj bingzgya hong cauhlaeb; aeu haenqrengz fungfouq hingzik, aeu fugsah daihbuenz guh giz okrengz fungfouq gaiqdap cauh-laeb, aeu fugsah vunz lai guh giz okrengz fungfouq dieg roengzfwngz cauhlaeb, aeu yienh'ok yienghsiengq seizdaih guh giz okrengz fungfouq gij fuengzik senhconz cauhlaeb; aeu haenqrengz cauhmoq fuengfap, hab seizdaih iugouz, mboujdan ca "diemj", youh ca "mienh", mboujdan ca "hung", youh ca "iq", mboujdan ca lajsienq, youh ca gwnz sienq, mboujdan ca cwngcwz dazyinx, youh ca fapceih baujjang.

(Guekgya Minzcuz)



Lungzswng: Hahceiq Daengz Nyaengq Ndaem Nazmbaeklae

龙胜:夏至时节 梯田耕种忙

Hahceiq daengz, Lungzswng Gak Cuz Swciyen Lungzcin Cin gak mbanj haeuj daengz seiz nyaengq hong, gyoengq vunzmbanj ciengj seizhong, youq nazmbaeklae nyaengq rauqnaz, loekgyaj, ndaenggyaj daengj, doengh-naz nyaengqnyatnyat.

Bineix doxdaeuj, aen yienh neix doenggya guh doi "ndoeng" dauq geng, doi "suen" dauq geng caeuq ceihleix reihnaz vut fwz cienhangh hengzdoengh, yungh aen cidu baujhoh reihnaz ceiq yiemzgek baujhoh haeuxgwn ancienz.

(Banh Cisiengz ingi)

Gvangjsih Vwnzlenz Daengz Aen Hezvei Canghraiz Sawcuengh Bingzgoj Si Diuyenz

广西文联到平果市壮文作家协会调研

6 nyied 16 hauh, boux dangjcu j cwngzyenz, fucujisiz Gvangsiah Vwnzlenz Cungh Gveifaz daiq doih daengz aen dieggoek cauhguh yisuz vwnzlenz Bingzgoj Si, diuyenz gij cingzgvang hwnqguh gihcwngz vwnzlenz cujiz caeuq hwnqguh aen doih vunzcaiz vwnzyi.

Mwh youq Aen Hezvei Canghraiz Sawcuengh Bingzgoj Si, Cungh

Gveifaz haengjdingh le Bingzgoj Si gibseiz laebbaenz Aen Hezvei Canghraiz Sawcuengh, de fan yawj 《Sam Nyied Sam》 banj Sawcuengh caeuq 《Gvangsiah Minzcuz Bau》 banj Sawcuengh baij youq gwnz congz aen hezvei neix le naeuz: "Sawcuengh dwg cihsaw vahcoj vunz Bouxcuengh, aeu haenqrengz bae baujhoh, yungh vahcoj raiz faenzcieng wnggai ndaej haeuj-

coengh caeuq yawjnaek, maqmuengh Bingzgoj Si Vwnzlenz lai haeujcoengh lai gujli gyoengq canghraiz Sawcuengh dingjmaenh yungh vahcoj cauhguh, maqmuengh gyoengq canghraiz Sawcuengh yungh ndei aen bingzdaiz neix, lai doxdoeng, lai doxgyau, lai doxhag, caezcaemh daezsang, mboujduenh cauh'ok faenzcieng ndei yungh vahcoj raiz de engqlai."

Ciuq cam rox, Bingzgoj Si Vwnz-

lenz laebbaenz Aen Hezvei Canghraiz Sawcuengh le, youq dangdieg okbanj 《Duzsizdanh》 cazci hai miz lanzmuz "vwnzyoz Sawcuengh", caemhcaiq aeu faenzcieng Sawcuengh gvihaeuj gij gvaengxlaengx bangfuz cauhguh gijndei vwnzyoz yisuz bae, doenggya gak loh hingzik, gujli caeuq haeujcoengh cauhguh vwnzyoz Sawcuengh aen si neix.

(Yiz Ciz)